

1. Le o texto e responde as cuestións que se plantexan a seguir:

Autoras como Beechey, Benería, Roldán, Souza Lobo entre outras, volcan a súa atención na división sexual das tarefas a nivel do proceso de traballo. E alí físe evidente que hai certas cualidades que son atribuídas como propias da forza de traballo feminina ou da forza de traballo masculina e que por conseguinte van definir os traballos como femininos ou masculinos.

Algúns resultados de estudos amosan que se asignan como femininas tarefas manuais repetitivas, maior rapidez, carácter máis sedentario, paciencia, etc. Un claro exemplo está dado polos denominados “nimble fingers” (tacto fino) requeridos por exemplo poa industria electrónica. É dicir, existen capacidades reais ou asignadas ás mulleres e valoradas por determinadas producións pero que ó momento de cualificarlas se lles atribue menor valor por consideralas que son capacidades innatas (aínda que sexan resultantes da socialización de xénero).

En palabras de Kergoat, parecera que” existe unha descalificación específica da forza de traballo feminina, xa que unha serie de cualidades buscadas polo patrón, van ser retribuídas segundo se trate de man de obra feminina ou masculina” Nun intento de indagar sobre os mecanismos invisibles que fan posible a asignación de mulleres ós postos máis baixos, os estudos de xénero avanzaron a partir do descubrimento de que as cualificacións, en tanto elemento central para a organización do proceso de traballo (un elemento técnico e de aparencia neutro fronte al sexo de los trabajadores), tamén están permeadas polas relacións de xénero.

María E. Ginés “A división sexual do traballo”

Cuestións:

- a) Cal é a explicación de María E. Ginés e das autoras que cita sobre o proceso de asignación de determinadas tarefas ás mulleres?
- b) Outro tipo de división das tarefas realízase segundo a idade e sobre este tamén ten estudado a antropoloxía. Ofrece a túa opinión e algúns exemplos que comparen o traballo permitido a nenos/nenas e a adolescentes nos momentos actuais e os que se lle permitían na sociedade galega de hai cincuenta anos.

2. Le o texto e reponde as cuestións que lle seguen:

Por iso a concepción antiga, segundo a cal o home, calquera que sexa a limitada determinación nacional, relixiosa ou política en que se presente, aparece sempre, igualmente como obxectivo da produción semella moi excelsa fronte o mundo moderno onde a produción aparece como obxectivo do home e a riqueza como obxectivo da produción. Pero, in fact, se se despoxa á riqueza da súa limitada forma burguesa, ¿Qué é a riqueza senón a universalidade das necesidades, capacidades, goces, forzas productivas, etc, dos individuos?

Maurice Godelier. *Antropología e economía*. Anagrama, barcelona, 1976

Cuestións:

- a) Considera Godelier que noción de riqueza foi semellante en tódas épocas históricas?
- b) Como se distingue no texto a concepción antiga da produción e a concepción moderna?
- c) O diñeiro multifuncional é un elemento dos intercambios de mercado. Existiron algunhas sociedades cousas que representasen o valor doutras? Cales eran as súas limitacións?

## SOLUCIÓN

Solucións Texto 1:

- a) A asignación de determinadas tarefas ás mulleres pasa por unha previa categorización das cualidades e capacidades femeninas.
- b) Actualmente nenos/nenas e a adolescentes poden colaborar en determinadas tarefas domésticas e está mellor visto en canto o implicado é beneficiario dese traballo (recoller os seus xoguetes, a súa roupa) e peor se serve os demais (fregar e recoller o de todo o grupo doméstico. Hoxe o traballo remunerado de menores é quí ilegal até idade avanzada se a comparamos con épocas anteriores, aínda que empezaban as tarefas no mundo laboral, polo xeral, como aprendizes con baixos ou inexistentes salarios. Hai cincuenta anos os rapaces axudaban nas labores agrícolas, na casa e nos negocios familiares (panaderías, tabernas, etc)

Solucións texto 2:

- a) Non, non sempre foi igual
- b) Na concepción antiga o home era o obxectivo da produción. Na concepción moderna a produción aparece como obxectivo do home e a riqueza como obxectivo da produción.
- c) Non eran intercambiabes por calquera cousa nen servían en todos os contextos (a parte da súa portabilidade, convertibilidade, etc)